

先秦—清末

《中國野史集成》編委會
四川大學圖書館 編

中國野史集成

錢鉞題



巴蜀書社

《中國野史集成》編委會
四川大學圖書館 編

	中
集	國
成	野
46	史

先秦—清末

巴蜀書社

目 錄 (第四十六冊)

金陵兵事彙略	一	小滄桑記	一七三
鳳鶴實錄	七九	談浙	一九六
鳳鶴小草	八三	花溪日記	二一一
蒙難述鈔	八七	虎穴生還記	二二七
遭亂紀略	九六	湖變紀略	二三一
六合紀事	九八	夏蟲自語	二三二
粵匪陷臨清紀略	一〇三	虎口日記	二三四
紀(無錫)縣城失守克復本末	一〇四	寇汀紀略	二三九
吳清卿太史日記	一一一	餘冬瑣錄	二四二
海虞賊亂志	一一五	平定教匪紀事	二七七
守虞日記	一二八	金壇圍城紀事詩	三〇六
庚申江陰東南常熟西北鄉日記	一三一	庚申避亂實錄(一名庚申避亂日記)	三一〇
諸王自述	一三六	劫餘雜識	三一四
粵匪起手根由	一五四	星周紀事	三二〇
大事記	一五六	平浙紀略	三四四
粵匪大略	一六二	兩浙庚辛紀略	四九三
遐邇貫珍所載太平天國史料	一六四	庚申浙變記	四九八
		轉徙餘生記	五〇二
		杭城再陷紀實	五〇六
		思痛記	五〇九

難中記	五三四
殉烈記	五四二
杭城紀難詩	五四三
蒿目集	五四九
杭城辛酉紀事詩	五五六
杭城紀難詩編	五六七
粵逆陷寧始末記	五九二
儉德齋隨筆	五九八
越州紀略	六〇一
守撫紀略	六〇五
張汶祥記	六〇八
清代割地談	六一〇
第一次中俄密約	六一一
中俄伊犁交涉始末	六一五
咸同以來中俄交涉記	六二六
德宗承統私記	六四六
清光緒帝外傳	六五三
清廷戊戌朝變記	六六三
西行瑣錄	六七九

金陵興事彙畧

光緒十三年丁亥冬
十月刊於甬上廟齋

序

金陵虎踞龍蟠之地控制長江襟帶淮海形勢壯麗甲天下
國初革明南京舊制置江甯府設總督兼轄今江蘇安徽江
西三行省承平歲久民物豐阜商旅輻輳號稱極盛咸豐二
年粵賊由桂林薄長沙襲武昌舳舻蔽江東下明年二月遂
陷江甯據爲僞都分黨四出輻名城以百數黎庶罹鋒鏑死
亡者無算生民之禍烈焉蓋以一隅震動海內爲天下安危
所繫云嘗試論之當道光之季綠營虛壞極矣一旦泰西諸
國挾其精卒利器颺迅霆發所在鼎沸糜爛莫之能禦遂乃
要款通商稍定和約非盡當日任事諸臣之咎亦兵力不足
制敵使然也粵賊乘外患之殷睨制兵之弱伺間竊發天下
塗炭元元無告亂極思治於是曾文正公奮起田間猛將勁
兵四面雲集一洗營伍骹滑蕙懦之習東西征討劇寇巨憝
次第削平以至往歲拒法蘭西之役喋血諒山塵兵臺澎浙
海間者皆楚淮將士文正所嘗訓練而倡始之者也天下晏
安之氣旣振起於跳梁之輩而武備日新雖以大敵驟至猶
能相持而角勝此可知天之重佑我
聖清而文正之功所以貽後世庶者尤不可沒也江甯李君

小池明習洋務著金陵兵事彙畧凡四卷既成而請序于余
因推廣其意書其簡端以歸之其著書體例具載自序中茲
不贅論

光緒十四年冬十二月布政使銜升授湖南按察使浙江分
巡甯紹台兵備道無錫薛福成序

序

語曰安不忘危又曰居安思危夫能不忘與思則必日圖所
以久安而胡至陷於危也金陵自孫吳降及前明屢爲都會
庶富繁麗幾雄宇內 皇朝撫臨華夏深仁厚澤化育涵濡
者踰二百年無計吏橫征無酷吏盜刑井邑桑麻恬熙沃衍
而士民之熏陶沐浴者既久且深又非明以前所得京也然
而承平日久遂至習安忘危奚暇致其思哉噫夫天塹之稱
固以江也而不知一旦有警猝弗及備亦江也是不忘之與
思烏可一日泄泄也乎洪逆等之起西粵也鮮不謂去金陵

數千里禍奚能及我孰知其一入楚南是禍已在眉睫下矣
溯癸丑春賊自鄂皖順流下甫十日陷之踞爲老巢僭尊號
竊帝制首尾十有二年金陵之人死以數十萬計是豈曰危
直亙古未有之浩劫矣緣其致是之由甯非忘與不思也歟
同治甲子巨憝授首子遺之民出水火登衽席重觀昇平其
一郡七邑之陷於賊與夫官軍克復大功告成諸時日情形
載在諸家著述固既備既詳第諸家所載闕未一轍卷帙浩
繁弗易萃諸書供几案既萃矣又或苦不暇繙閱或繙閱仍
未必即能省記故恆有欲道故土兵燹事而因歷年漸久無

從追憶或以紀載岐出莫衷一是或以卷帙浩繁又非專紀
 金陵遂望洋中止凡若是者不一其人若不措拾羣言彙成
 專集用垂龜鑑而致不忘之與思再數十年百年而後幾不
 復知有前此之蕩析離居仍歛溺安逸是之謂習安忘危尙
 奚有於思顧可弗懼哉竊維平定粵匪紀略一書敘事雖涉
 太簡其於各城隘失陷克復時日悉本邸抄與 國史相表
 裏爰取爲原本而兼及王氏之曾文正大事記錢氏之吳中
 平寇記秦氏之平浙紀畧王氏之襄陽餘設諸書其當日所
 耳聞目見膽炙故鄉人口者亦參列一二自咸豐壬子十月

金陵軍事重刊

二

江督陸制軍進防江皖起至同治甲子十一月改殄陸制軍
 遺骸止以年爲綱專錄江甯一郡而以賊之始末及各路軍
 務之關係最大者分年附記於下都爲四卷曰金陵兵事彙
 畧錄既竣有譏爲簡陋者余曰誠然然諸家著述固在此特
 欲勉人之不忘與思庶幾日圖所以久安而不玷於危則互
 古之格却奚自而至者哉

光緒十二年丙戌冬十月江甯李圭謹識

目錄

卷一

咸豐二年壬子至咸豐四年甲寅

卷二

咸豐五年乙卯至咸豐九年己未

卷三

咸豐十年庚申至同治二年癸亥

卷四

同治三年甲子

金陵兵事重刊

目錄

一

弟開科盈之校字

江甯李圭小池

咸豐二年壬子粵賊洪秀全等自廣西竄湖南北襲脅數十萬眾掠舟萬餘水陸並下十月上命兩江總督陸建瀛爲欽差大臣督兵進防江皖時兩江已先調撥官兵三千駐紮湖北廣濟縣屬武穴下之老鼠峽陸大臣募勇未集乃帶松江提標兵二千餘親兵數百由水路上駛

附記

先是道光三十年庚戌逆民洪秀全倡亂廣西潯州府

桂平縣屬之金田村秀全者本鄭姓原籍廣東花縣生於嘉慶十七年壬申身癡肥畧識字父國游與母均早死遂冒洪姓素飲博無賴以演卜餽口偶遊省城見泰西教士羅孝全言願入教實欲藉教謀生也居羅外舍月餘田乏不得歸羅乃資之行且贈以教中各種書歸教其鄉人適廣東奸民朱九濤倡上帝會亦名三點會秀全及同邑人馮雲山往師之旋以秀全爲教主道光十六年秀全及雲山至廣西住桂平武宣二縣接壤之鵬化山中傳其教有桂平人曾玉珩者家素豐延秀全

訓蒙時秀全妹婿蕭朝貴武宣人亦家於桂平與原籍廣東嘉應州人楊秀清比鄰遂更與秀清相結納又有桂平人韋昌輝原籍廣東和平縣寄居貴縣人石達開貴縣已革壯勇秦日昌貴縣游民林鳳祥等先後入教昌輝原名正固富民以謬懸登仕郎額發受訛詐因而思亂者秀全病危甚旋愈詭言死去七日而甦能知未來事謂舉世將有大災惟入會拜上帝可免拜上帝者各納銀五兩爲香銀資凡入會不稱師徒而曰兄弟遇婦女則曰姊妹意不欲人自貶則易廣其傳故楊秀清等皆兄事之秀全自知無術不足惑眾乃託名西洋教彼教所崇爲耶穌秀全欲駕而上之誤天父名目謂天父爲耶火華以耶穌爲長子秀全爲次子故稱耶穌爲天兄復與馮雲山盧賢拔等造真言寶誥諸偽書密爲傳布秀清尤狡獪因秀全捏造天父信者漸眾遂證其說自作巫謂天父下凡附其身詞人陰私摘發之羣將爲神嘗託天父言挾制秀全令前跪受杖已有不遑亦伏地令人杖不少貸二十七八年間廣西歲饑多盜巡撫鄭祖琛嚴檄緝治不能戢各鄉遭肆擾謀結土團禦

之居民各自爲黨多不相能官吏尤貪橫新甯以李博平糶勒價二千文一石又以差役訛索雷再浩之妻黨故李沅發等於二十九年作亂三十年四月沅發就擒各邑土匪繼起秀全遂乘機潛煽其間桂平連界之武宣象州藤縣陸川博白各處人心浮動一時附之者如蟻聚又有湖南衡山縣人洪大全幼穎秀甫入歲能默誦十三經陰自負知秀全倡亂亦往依附六月秀全匿於平南縣花洲山人村胡以曉家秀清遣人迎之至金田集眾謀發難八月事聞於邑令馳兵往捕不獲拘其

妻孥繫獄秀全偏張揭帖謂三日內不釋當與官抗令懼甚立釋還家時秀全聚黨已數千猝不可散遂以夜入城戕官劫庫釋囚蓄髮起事是爲秀全倡亂之始其蓄髮初僅秀全一人潛匿窮谷中人罕識其面至是則凡脅從者悉禁雜髮防背逃故遠近目爲長毛亦曰長髮賊以其黨喜纏紅巾又曰紅頭鄭巡撫出師督剿駐平樂府疏入奉 旨調固原提督向榮爲廣西提督赴粵會剿九月至桂林省城時慶遠思恩南甯諸府土匪正熾向提督馳往剿辦洪秀全等益猖獗鄭巡撫復馳

奏 上命前雲貴總督林則徐爲 欽差大臣馳赴廣西與鄭巡撫向提督前雲南提督張必祿會剿旋以給事中袁甲三奏參鄭巡撫欺飾彌縫各罪飭據兩廣總督徐廣縉覆奏撫臣年老多病文武皆不畏服得 旨革職著林大臣暫署廣西巡撫旋林大臣薨於廣甯途次諡文忠 公臨歿大呼星斗張提督甫至潯州亦薨南莫解所謂廣甯屬肇慶府 命令前兩江總督李星沅爲 欽差大臣赴廣西督辦李大臣於十月抵桂林初賊聞林大臣往懼甚擬縛渠請降及是大慰因作文遙祭之十一月官軍至金田剿賊失利十二月 上以廣西賊勢漸熾復派前漕運總督周天爵赴粵會辦旋令署廣西巡撫時金田賊裏應日多附近各村紳富搜括靡遺周總督察此股爲勁匪咨商向提督自橫州旋師專剿距金田數十里有地曰大黃墟居大黃江口有劇盜專劫行旅擁眾積資自雄官軍無如何秀全由金田出關經八崗水至大黃江投之結生死交秀全不肯爲之下官兵至秀全請盜留守老巢而悉眾出與官軍戰伴敗引去官軍擒其巢焚之盜死秀全反攻官軍大勝之遂悉有其眾

咸豐元年辛亥正月秀全在大黃江僭偽號爲太平王
楊秀清爲左輔正軍師蕭朝貴爲右弼又正軍師馮雲
山韋昌輝秦日綱卽秦日昌石達開爲丞相旋又有廣
東股匪楊元清等衆來附而新投之廣東揭陽縣海盜
羅大綱尤猛鸞善撲旋將大黃墟縱火焚毀悉衆分擾
武宣平南等縣入象州境二月廣州副都統烏蘭泰奉
旨馳赴粵西幫辦軍務 上復眷念邊疆不安宵旰
特命大學士賽尙阿率都統巴清德副都統達洪阿
馳往楚粵之交駐紮調度並 諭李星沅等不得以特

派有人稍存觀望又 命周天爵幫辦軍務廣西巡撫
著藩司勞崇光暫行署理四月賽節相 陛辭出都
特賞遏必隆刀以壯其行奏帶侍衛開隆阿天津鎮總
兵長瑞涼州鎮總兵長壽軍機章京戶部司員丁守存
聯芳等十餘員火器營烏蘭都等京兵二百名部撥餉
銀一百萬兩又由內務府廣儲司撥發內庫銀一百萬
兩先是李大臣奏請專派總統期於事權歸一賽節相
起程之前已 密交諭旨令赴廣西軍營並傳知李星
沅回湖南會辦防堵至是復 諭賽節相馳赴廣西接

辦 欽差大臣事務並 授鄒鳴鶴爲廣西巡撫兼程
赴任李大臣旋以疾薨諡文恭 六月秀全等由象州入紫
荊山竄回新墟八月復由新墟走平南藤縣竄永安州
閏八月初一日陷之遂僭偽國號曰太平天國洪秀全
改稱爲僞天王封楊秀清爲僞東王蕭朝貴爲僞西王
馮雲山爲僞南王韋昌輝爲僞北王石達開爲僞翼王
洪大全爲僞天德王秦日綱等爲僞丞相諸職在城創
設男女館界限甚嚴時有湖南新甯縣舉人浙江知縣
江忠源先由賽大臣調赴粵西佐烏都統戎幕至是同
楚募鄉勇五百人至粵西擊賊爲楚勇出境剿賊之始
十二月賽大臣親駐永安督諸軍攻剿烏都統軍營南
路向提督軍營北路烏都統欲合圍俟其困可盡殲向
提督泥古法必欲缺一門不圍俟其出而後擊之二年
二月烏都統陣擒僞天德王洪大全檻送京師賊開北
門竄收復州城烏都統以追賊中流礮死諡武壯 當賊竄
回新墟時男婦僅萬餘人合圍聚殲甚易爲力踞永安
時果能嚴密圍逼盡殲之亦尙可速於蕺事烏都統嘗
力言之惜共事者意見不合何三月賊犯廣西省城以

向提督驅軍急救先賊至得不失而鄒巡撫奏稱已功
但以向榮亦至四字括其勞績向提督自是遂與文官
不相能嘗曰君輩但知掉筆頭殺賊耳賊既去四月陷
全州南賊馮雲山中殺死五月陷湖南道州六月陷桂
陽州由永興茶陵醴陵直趨湖南省城時湖南駱巡撫
秉章在城新授張巡撫亮基自雲南來亦縋城入其符
堵禦布政使潘鐸倡議勸庫款犒士得固守洪逆督南
門外取玉造偽璽脅眾呼萬歲圍攻三閱月西賊蕭朝
貴授首不克乃去由甯鄉益陽掠民船數千出臨資口

渡洞庭十月陷岳州府十一月陷湖北漢陽府十二月
陷湖北省城常巡撫大瀄諡文馮學政培元諡文等死
之湖廣程總督喬采駐軍衡州至是視職以湖南張巡
撫代賊遂將俘獲男婦共約五十萬人船萬餘隻資糧
軍火財帛與婦稚盡置舟中蔽江東下新舊賊分兩岸
夾江以行經黃州武昌蘄水蘄州抵廣濟之武穴鎮從
此遂如潰隄之河燎原之火弗易挽救矣
周文忠公致二南書曰二南老弟足下三十年闊別何
由得訴我一生苦衷若見老弟我當大哭一場以一生

苦心不見信於天下非素知我之深者而又識治亂大
體眞沒處開口試觀今之天下以偽飾姑息壞乎以除
殘去暴壞乎平心論之得失明矣今之禍根不止一省
也而粵西爲最如一江一潭其水先壞而焉有完魚卽
如石芥廣皆粵東民也以西粵土廣民情而愚客民皆
寄食其地良少莠多莠者結土匪而土匪資其凶餓以
害土著之良土著之良不堪其虐且欲大逐客民之莠
而客民且利其者之家室於是仇隙日深結黨互殺而
點桀出於其間嘯聚成羣以千數以萬數者多矣沿劫

左右江數千里之閒其始激於州縣不爲理其曲直而
下民怨嗟邪教見民冤抑之狀倡爲蠱惑之辭因好鬼
之說專爲鬼神之語而世風披靡矣而大吏鄭祖琛又
篤信佛教酷似梁武欲不殺一人以爲功德於是一省
鼎沸魚爛日餒矣蓋自丁未至今無月不損兵折將而
俱偽飾之於是一省文武亦無不魚爛日餒至去年學
臣無處可考欲入告而鄭乃發之內廷視爲小寇遂命
少穆孰意天喪元老而李石梧繼之其爲人力袒鄭夢
白一切查問生事之人皆出其手於是一省之貪劣皆

喜一省之士民皆懼而我成一贅疣而反冒巡撫之名一言兵則省城僅有懦劣八九百名之兵一言餉則藩庫撥來朝不繼夕之餉一言官則通省皆是求參不得之官一言將則通省皆是石郎之將一言案牘則無一不是被殺被焚之案牘嗚呼此席是何等造化得此於是二月初一日出省帶兵一百名如駐馬嵬坡皆不願走也路上募一百名又如石壕驛未走先哭乃於十二日甫抵武宣而教匪偷越紫荊山而來如虎兕出柙先鋒已到三里圩矣其大營在東鄉卽韓襄毅公所謂大

簾峽之後戶自昔爲韓雍陶魯以及王文成公用兵幾千萬眾積年慶兵之所其大戰場卽武宣之東面三里圩方到時縣官一人一縣皆空而紛紛向西逃去渡口船無歇處問知縣劉作肅有何禦備荅云只有一繩則大哭我何等福氣亦統大兵二百名親履文成公杖鉞之所湊拍之巧乃竟爾爾十三日留兵五十名男五十名守其一百名赴前紮營赴敵皆失包我云違我制者斬其列隊時亦甚有膽力卽紮營於雲湖村之嶺與三里圩人聲相聞十四我趨其地見營外村莊與官兵莫

不相屬孰知其不去者六七十村皆賊也遂拔營退回彭鍾橋之西自廿三日後賊知我虛實必危矣孰知我不怕死之張鎬風雨而至卽向軍門也十四日至十五日紮營賊果來望見大衆故不前十七日向提軍大戰於召村雲湖之間帶兵只百名貴州勇福勇五百名不意各勇先潰鎮鎮兵大奔我方作書卽提新至之東勇二百名自己兵勇二百名急援時提軍被圍已時許矣我催勇一百名揮刀直進而東勇果怒氣而進翼提軍破陣而出我兵一百名如見鷦之雀一百勇如喪足之羊無一動者我手刃二人光准用箭射殺二人亦無應者撼山易撼岳家軍難不意如此當是時賊皆聚駐於我礮子如雨我仍吃烟點火者接不住烟窩而擡橋者後二人起不來矣惜乎太平之民皆如此何怪其然於是申明號令三月初二日復大戰於一軍之後置一隊殺手斬退走者四路出兵置四隊殺手皆有將弁領之一股劉守攻東陵一股張守攻召村之伏接應攻東陵一股向提軍攻三里圩之西一股貴州泰鎮軍新至之兵攻三里圩之北再由此而南抄賊之後而向提軍

恐我力戰太猛傷一巡撫我命沒矣哭勸我不可督兵
當是時自謂胸有成算矣孰意賊連夜調東鄉大巢之
賊悉師而來僅三十里耳而賊大元帥洪泉馮雲山皆
親身督戰南第一股劉守所領之大頭軍先至東嶺而
賊營寂無人聲發火箭數十枝燔其房屋賊始出數百
人兩下對礮戰方酣忽出二千餘賊將我兵圍裏東勇
係張守敬修所帶福勇係縣丞褚汝珩所帶共千餘名
急救之而賊又出兩倍之眾統圍三股向提軍欲統大
軍衝賊兩半不意賊又并整軍圍之而貴州兵欲攻三

士

里圩之北者詎賊伏大林中其一股勁賊遮其前一股
大衆擊其後貴州兵擊死穿黃衣紅戰裙者孰意賊視
死如歸赤身赴敵立刻殺死黔兵二十四人傷八人黔
兵始大奔矣此戰我兵用命傷者七十餘人死者共三
十餘人自午逾申眞血戰也奈我兵勇共六千餘人賊
三倍之又吃迷藥受創不知有已死而後已事將奈何
然而此戰賊當陣死者三百餘傷者太甚亦未嘗不寒
心聞其大股凌十八劉八帶領教匪萬餘所過州縣僅
枯粒粒誓來萃力於我報者紛紛三軍無不變色提軍

亦心動矣不得已創爲坐戰之法立一拒敵大營下設
礮眼兩座彼日環攻我日環打賊一人無所見一礮不
能傷我兵更番迭打一人不能走其一人不能走者四
面皆厚牆深濠死即同死生則俱生蓋師淮陰背水之
遺意也無奈肝氣敷動瘴氣太深食少事多三軍恃我
爲長城我若一去奈國事何要之逆匪用兵全是洋人
之法以洪泉係西洋人傳天主教者此人爲軍師軍令
死一隊長則一隊全斬又飲以藥水其剿忽不及闕獻
而深沉過之綜觀所有大帥無與敵者噫莫非氣數也

金陵兵事紀略

十三

夫現諸大營在武宣北市交易軍無一敢擾民者僅此
一事可以上對古人凡擒來可疑之人奸細立誅可矜
可疑甯失不經此等時節天在頭上不忍妄殺一人持
此心亦可對我老弟也此信我無暇再寫可示光碧井
呈慈圃先生此大公祖我所折服恐怕他爲兩廣督臣
山東再望此等人物眞無有矣一一俱出肺腑之語不
盡二南不知何人是書
乃得自上海傳鈔

江忠烈公荅劉霞仙書曰忠源冒大不韙墨經從戎又
復戰陣無再致賊擾及桑梓遂攻會垣深愧進退失據

乃承垂詢賊情不棄請不可與言之列聞命之下悚惶
萬端竊維逆匪自滋事以來蔓延兩省展轉兩年非賊
眾而我寡賊強而我弱也其弊在兵不用命將不知兵
兵與將不相習將與將又各不相下遂至潰爛不可收
拾至於如此去年六月賊至桂平新墟時忠源方在烏
都護幕中力主圍賊之議都護深韙其言因諸將各懷
意見其後遂有官村之敗自賊據永安以東路空虛爲
都護作書請兵十上而說不行遂有古東之敗至自桂
林竄出攻陷全州忠源先軍橋頭堵其西竄新甯之陸

金鑑三才卷一

主

路并釘塞河道斷其北竄零陵之水路請於河東紮營
以爲合力攻剿之計時烏都護因傷不起向軍門臥病
未來諸將無所統紀互相推諉賊果從河東小路竄出
鏖戰兩晝夜奪獲賊船三百餘隻賊之精悍若無幾矣
斯時吾楚若稍有防堵前後夾攻何難聚而殲旃乃自
入永安境上土匪之迎賊會匪之入黨日以千計而地
方文武又皆望風先逃一至道州勢遂復熾惟時和鎮
軍初統諸軍忠源與之熟商冀其可以集事因諸將懦
不用命以致江華永明相繼失守迨賊至七里江竄走

定議以萬一千攔頭九千人追尾無奈攔頭之師遲延
不進而所過州縣又皆開門揖盜無能守住一二刻以
待迫兵之至者自嘉禾以至桂陽郴州賊皆入無人之
境賊又知我兵之不能攔頭也而以後隊敵追兵以前
隊攻城池由是而永興安仁攸澧一帶遂不保且漸漸
逼近省垣矣然其首逆大隊尙在郴州也忠源以前無
堵禦恐省城有失則爲禍愈烈遂請和鎮軍於九千人
內挑千餘人并自帶楚勇五百名於初四日自郴起程
是夜行至油榨墟接省中來信始知賊之前隊已於二

金鑑三才卷一

古

十八日逼攻省垣遂兼程前進於十三日申刻抵省軍
於小吳門外次早縋城而入周歷各城防堵雖不盡如
法然賊勢尙單逼攻不甚緊急十五日督兵進剿小挫
兇鋒十六日賊遂不敢復出惟於周圍高築牆壘我兵
進攻賊從牆眼施放鎗礮不能得手十七日遂移兵蔡
公墳一帶逼攻賊壘晝夜用礮轟擊賊船鳳皇廳土兵
移紮河西以堵賊匪西渡十九日向軍門自桂林起病
來省父老留住城中省垣想無顧慮二十日我兵奮力
進攻殲賊數十百人二十二日探報郴州賊匪竄到我

兵迎擊於仰天湖時賊眾我寡黔兵稍却勢甚危險忠源帶勇向前衝擊短兵相接受矛傷落馬軍士殊死戰將賊擊退扶救回營日來創口漸合惟尙不能行動耳見在賊之後隊一萬餘人已陸續到齊屯聚南門城外湘水在其西會垣在其北忠源與和統帥軍其東聞後路追兵日內即可趕到再軍其南而該逆四面受敵可以一鼓成擒惟各路鎮將除和統帥外實乏可靠之人未必能如願以償也忠源常料賊之詭計總思北竄我之設備亦宜先防北竄貴邑既有湖水之陽封河又

主

有重兵似可無慮但恐擊敗之後四處分竄急何能擇耳然賊亦無他伎倆不過未到之先遣奸細以虛詞恐駭之將到之際遣前隊以甘言籠絡之既到則殺戮淫掠無所不至愚民至此雖知被紿而已悔不可追矣至於賊眾雖稱萬人其實能打仗者不過二三千人且此二三千人亦非異常驍勇我前彼仍却我却彼乃前惜各營將備不能忍此須臾耳忠源身經數十戰所歷驗不爽者務望宣示鄉勇俾臨陣得有把握又駐劄地方必須先築營盤深溝高壘賊初來時但在營中用鎗礮

轟擊俟賊勢威既竭然後出而擊之靡不勝矣屬選擇曉暢軍務熟悉地形者刻下實難其人但於賊勢緩急必當隨時奉聞也伏維原鑒不盡霞仙名卷

洪逆祭林文忠公文曰嗚呼日望公來公不來耶公來我輩尙得復爲良民公不來我輩不得復爲良民矣天乎天平公竟不來乎尙饗

三年癸丑正月十一日陸大臣兵抵廣濟縣之龍坪派壽春鎮總兵恩長爲翼長督隊至老鼠峽會合前兵共籌堵禦舟師未及登岸賊聚至恩總兵督戰陣亡諡武壯遂大潰陸大臣

主

退回於十九日抵金陵九江原未設防先失陷旋又陷安徽省城雖復統帶新調廣艇並兩江原設舢板船進防蕪湖下游之東西梁山仍不戰而退倉皇回城閉關而守曾無布置是徒守也駐防將軍祥厚布政使祁宿藻力勸結營城外拒賊陸大臣不之許祥將軍祁布政聯銜奏參之二十五日夜間賊船由太平府順流下二十六日辰刻福山鎮總兵陳勝元逆戰沉賊船二隻戊刻賊眾水陸至陳總兵中礮落水死諡剛勇賊遂燬至二十七夜焚板橋二十八日卯刻抵城外紮賊壘二十有四戰船自新洲大勝關起泊至七里洲止晝夜

攻城聚寶門外米商自團練勇殺賊賊幾敗城頭施礮助威
適傷練勇數人乃駭散祁布政在城目擊憤甚嘔血死是時
城頭施礮我軍必傷傷必驚潰此奚待知兵者而後解也二
月初十日儀鳳門外地道發賊驟登第二道又發賊自樊干
餘官兵乘勝擊之競割耳記首級赴局報功領賞守陣兵力
轉薄賊大隊擁至急調各城防兵北向堵禦另隊賊已由水
西門山門越城而入省城遂陷維時陸大臣適自將軍署乘
輿回署行至十廟地方遇賊被戕前廣西巡撫鄒鳴鶴獲符
後奉調隨辦防務為賊自公所拽至大功坊大街戕殺節

金陵兵事錄

卷一

七

署布政使巡道徐文鈞在上元縣署被害糧道陳克讓殉難
於本署節上元縣知縣劉同縷公服坐大堂罵賊賊棄去
步至龍王廟側投池死江甯縣知縣張行澍自上元縣署乘
馬回至四象橋躍河死前浙江副將湯貽汾僑寓城內賦絕
命詩從容就義節紳民死於水死於火或自經服毒多有
閩門以殉者獨江甯府知府魏亨達不知下落或謂已潛回
原籍矣祥將軍節及副都統霍隆武節率駐防兵守內
城盡驅婦女登陴殺賊相持兩晝夜力竭城陷殉節其男婦
被殺害尤慘酷其未殺盡者驅之出城悉沉於河陸大臣死

後朝議照死難例贈卹御史方俊具疏力爭略謂陸建瀛
為奉命督兵大員總兵恩長戰歿不行救援反自小孤山
遁回金陵糧餉軍械盡以委賊遂使安慶迅陷直犯金陵又
挾將軍祥厚參劾之嫌守城事宜在在為難因是旬日間金
陵亦陷其被殺於十廟地方是已逃而終不能逃非陣亡自
盡者不可同城亡與亡者比若加恩贈卹國家刑賞何以示
天下卽祥厚恩長等忠魂亦恥與同列於是收回成命止給
還總督銜嗚呼使祥將軍祁布政議行築壘城外扼要守禦
未嘗不可多延十餘日待援軍至而會合解圍賊又烏得開

金陵兵事錄

卷一

六

掘地道意志攻城耶蓋亦天也雖然駐防兵丁跬步不離內
城是豈設駐防遺意耶當陸大臣進防江皖時上並命江
蘇巡撫楊文定江南提督福珠洪阿移守金陵一無展布迨
陸大臣回城楊巡撫以顧蘇為言勿遽而返復自蘇折回紮
於無錫金陵陷福提督亦死節楊巡撫由無錫赴江陰江
陰官紳不納仍回蘇兼署兩江總督鎮揚繼陷自請守瓜州
蔽入蘇道至八月奉旨逮問尋遣戍賊既入城詭言不殺
人有以土物入獻者給以貢單無相擾人多信之爭饋銀米
牲畜菜蔬取偽貢單榜於門詎賊見單益搜索以其不為備

私藏必多也。初猶未排戶入搜，懼有官兵伏匿，惟遇人於路必殺。至十二日，見人則逼使昇屍棄諸河，不從殺之如是者數日。忽出偽示，逼民如常貿易。其時店鋪百貨掠幾空，無有應者。忽又以查人為名，比室搜括，令壯男子聽驅使，胸背以黃布寫賊銜，謂之招衣。攜幼童使為小儀，俾持旗傘隨其行。男子毋許歸家，歸則謂與婦女私。千天條罪應誅。於是立男館，搜其家有私藏金銀者，立賞重典。驅婦女出於外，不使家居。襁幼稚負行李，倉皇道路，慘不可言。或得閒自投江河，或投子女於河，賊既驅而之東，又復驅而之西。有啼哭者，目為

金陵三事彙纂

卷一

九

妖鞭箠交下，夜則露宿簷下。越日乃立女館，是時夫婦雖覩面不敢交言。否則謂不遵天令，城北幽僻之地，尚有民眾潛居者。賊以搜物至，男子盡驚逸，賊怒其避，已因驅婦女赴早西門。卽石城門，悉付洪流焉。賊將分股竄鎮江、揚州，逼壯者數萬登舟，欲使為前鋒。城中知之鼎沸，或自盡，或竊逃。賊懼一時不能制，有偽丞相鍾芳禮，偽巡查周才太者，性稍平和，乃請逆督設機，匠館牌尾館機匠館處工役織紉人牌尾館處殘廢老弱人二者，皆不調戰陣。人館之家，凡遇賊搜括，告偽丞相，輒杖責追還。殘廢者得安食室中，老病者使掃街道。於是

入館伏處者幾四萬人，旋又設雜行菜園，雜行亦工匠之流。菜園者，賊使人於隙地種植蔬菜，兩處亦不下二萬數千人。無何賊傳偽命，凡讀書識字者悉赴偽詔書館，否則斬。既不報者同罪，因得數百人，使為偽詰文檄，示合賊式者分入各酋館，為偽書吏。又捏造天主書教人不能背讀者杖之，出偽示謂人死為昇天，不許哭，不用棺木，不設香火，違則為妖邪。黃烟之禁與洋烟同嚴，有犯輒斬。各巨酋偽府多毀民居，拓益之，封土木匠為偽將軍，偽總制，俾率隊課工，以總督衙署為偽天王府，用鑼鼓數百人前導，後護，迎洪秀全入居之。偽

金陵三事彙纂

卷一

十

王擬數十人，悉以黃絹蒙頭，跣足乘馬入，自是遂不復出矣。欽差大臣向榮奉旨自武昌率左翼長總兵和春、右翼長總兵馬龍，迫踪來援。師行極速，都司張國樑領頭隊，正月十二日即抵九江，無舟不得濟。咨江西巡撫，由省撥回空漕船載之，東渡至太平府，取陸路經小丹陽、鎮元山，殷巷一帶。於二月二十日達金陵，暫駐淳化鎮。俗稱雄黃鎮賊以重隊扼守城外，壁壘嚴固，志在持久。向大臣乃急簡精兵，連破朝陽門、外賊營二十餘所，即其壘建立大營，號江南大營。於是距城較遠各鄉，得恃以無恐。卸任廣東學政內閣學士許乃鈞奉